

第二課 打電話約人

李超打電話畀陳潔，約佢去唱 K。

Lei5 Ciu1 daa2 din6 waa2 bei2 Can4 Git3, joek3 keoi5 heoi3 coeng3 K.

李超：	你好！請問係唔係陳潔呀？ Nei5 hou2! Cing2 man6 hai6 m4 hai6 Can4 Git3 aa3?
陳潔：	我係，請問你係邊位？ Ngo5 hai6, cing2 man6 nei5 hai6 bin1 wai2?
李超：	我係李超，你記唔記得我呀？早幾日喺校巴士，你問我點去本部嗰個人呢。 Ngo5 hai6 Lei5 Ciu1, nei5 gei3 m4 gei3 dak1 ngo5 aa3? Zou2 gei2 jat6 hai2 haau6 baa1 zaam6, nei5 man6 ngo5 dim2 heoi3 bun2 bou6 go2 go3 jan4 nei!
陳潔：	你好呀，李超。我梗係記得啦！你打畀我有咩事呀？ Nei5 hou2 aa3, Lei5 Ciu1. Ngo5 gang2 hai6 gei3 dak1 laa1! Nei5 daa2 bei2 ngo5 jau5 mei1 si6 aa3?
李超：	咁嘅，聽日係星期五，我諗住夜晚同朋友去唱 K，你有無興趣一齊去呀？ Gam2 ge3, ting1 jat6 hai6 sing1 kei4 ng5, ngo5 nam2 zyu6 je6 maan5 tung4 pang4 jau5 heoi3 coeng3 K, nei5 jau5 mou4 hing3 ceoi3 jat1 cai4 heoi3 aa3?
陳潔：	你地諗住去邊度唱 K 呀？ Nei5 dei6 nam2 zyu6 heoi3 bin1 dou6 coeng3 K aa3?
李超：	去旺角，我地應該會唱 K Buffet。 Heoi3 Wong6 Gok3, ngo5 dei6 jing1 goi1 wui5 coeng3 K Buffet.
陳潔：	K buffet 一位要幾多錢度呀？ K buffet jat1 wai2 jiu3 gei2 do1 cin2 dou6 aa3?
李超：	你預大概二百零蚊左右啦。 Nei5 jyu6 daai6 koi3 ji6 baak3 ling4 man1 zo2 jau2 laa1.

陳潔：	我未試過喺香港唱 K 喎。 Ngo5 mei6 si3 gwo3 hai2 Hoeng1 Gong2 coeng3 K wo3.
李超：	咁就更加要試吓喇，去啦！ Gam2 zau6 gang1 gaa1 jiu3 si3 haa5 laa3, heoi3 laa1!
陳潔：	你地約咗幾點？ Nei5 dei6 joek3 zo2 gei2 dim2?
李超：	七點。 Cat1 dim2.
陳潔：	好啦，咁你預埋我吖！我地約邊度等呀？ Hou2 laa1, gam2 nei5 jyu6 maai4 ngo5 aa1! Ngo5 dei6 joek3 bin1 dou6 dang2 aa3?
李超：	旺角地鐵站 D 出口你識去嗎？ Wong6 Gok3 dei6 tit3 zaam6 D ceot1 hau2 nei5 sik1 heoi3 maa3?
陳潔：	識，就嗰度等啦。係呢，仲有邊個會去呀？ Sik1, zau6 go2 dou6 dang2 laa1. Hai6 ne1, zung6 jau5 bin1 go3 wui5 heoi3 aa3?
李超：	仲有我個朋友會去囉，佢都係喺 CU 讀緊書架。 Zung6 jau5 ngo5 go3 pang4 jau5 wui5 3 lo1, keoi5 dou1 hai6 hai2 CU duk6 gan2 syu1 gaa2.
陳潔：	我可唔可以叫埋我同房去呀？ Ngo5 ho2 m4 ho2 ji5 giu3 maai4 ngo5 tung4 fong2 heoi3 aa3?
李超：	梗係可以啦！ Gang2 hai6 ho2 ji5 laa1!
陳潔：	咁聽晚七點旺角見啦！ Gam2 ting1 maan5 cat1 dim2 Wong6 Gok3 gin3 laa1!
李超：	聽晚有 buffet 食，聽日記住唔好食 tea 喎。 Ting1 maan5 jau5 buffet sik6, ting1 jat6 gei3 zyu6 m4 hou2 sik6 tea wo3.
陳潔：	梗係啦，我諗住晏晝都係食三文治咋！ Gang2 hai6 laa1, ngo5 nam2 zyu6 aan3 zau3 dou1 hai6 sik6 saam1 man4 zi6 zaa3!